

326

U. Z.

151

2012

202010

B-2001

5015

5005

5015

WPS



10

ՄԱՅՐԵՐԻ ՄԻՈՒԹԵԱՆ

ԵՐԵՔ ՆՊԱՏԱԿՆԵՐԸ

ԴՐԵՑ

ՏԻՆ. ՄԱԼԳԵՆ

Անգլերենից թարգմանեց

ԴԱՐԵԳԻՆ ԳԱԶ. Յ. ԿԻՐԱԿՈՍԵԱՆՑ

Յպարան Ս. Ամենափրկչեան Վանուց

Զուղա—Սպահան

1919

ԱՌՕ ՅՈՎԱՆՆԻՍԵԱՆ

1960

ՆՈՐ-ՅՈՈՒ Ա.

©

Ա. Շ. 282. 6
151

ՄԱՅՐԵՐԻ ՄԻՈՒԹԵԱՆ

ԵՐԵՔ ՆՊԱՏԱԿՆԵՐԸ

ԳՐԵՑ

ՏԻԿ. ՄԱՆԴԷՆ

Անգլերենից թարգմանեց

ԳԱՐԵԳՐԻՆ ՔԱՀ. Յ ԿԻՐԱԿՈՍԵԱՆՑ

Տպարան Ս. Ամենափրկչեան Վանուց

Զուղա — Սպանիան

1 9 1 9

ՀԱՅԱՍՏԱՆԻ

ԱԶԳԱՅԻՆ

ԳՐԱԴԱՐԱՆ

(153-2000)

167-92

151-2012

№151

ՄԱՅՐԵՐԻ ՄԻՈՒԹԵԱՆ
ԵՐԵՔ ՆՊԱՏԱԿՆԵՐԸ

ՆԵՐԱԾՈՒԹԻՒՆ

Սոյն գրքոյկը գրուել է այն նպա-
տակով, որ երբ խօսողը ձեռնհասու-
թիւն չունենայ վերջին վայրկեանում,
նրա դերը կատարէ, կամ թէ գործ-
ածուի ժողովներում, խօսողներ պատ-
րաստ չը լինելու դէպքում: Կարող են
նոյնութեամբ կարգաւ և կամ իբրեւ հիմք
ծառայեցնել աւելի երկար բանախօսու-
թեան: Աւելի օգտակար դարձնելու
յուսով, սկզբում և վերջում մի քանի
բացատրութիւններ են տրուել, որոնք
անհրաժեշտ կը լինեն մի նոր ճիւղ սկսե-
լու դէպքում: Եթէ ճիւղն արդէն գո-
յութիւն ունի, հարկաւ այս բացատրա-
կան մասը պէտք չէ: Աւելորդ է ասել,
որ բացի այն մասից, որ վերաբերում է
ընկերութեան իսկական կազմակերպու-
թեան գործին՝ բոլոր թեւադրութիւն-

ներն ու խորհուրդները տրուած են միայն օգտակար լինելու նրանց, որոնք յանձն են առնում ճիւղի ղեկավարութիւնը:

ԸՆԿԵՐՈՒԹԵԱՆ ԿԱԶՄՈՒԹՅՈՒՆԸ

Ովքեր որ Մայրերի Միութեան մի ճիւղ բանայու մտադրութիւն ունեն, պէտք է ճշտիւ հասկանան ընկերութեան նպատակը և ուղղութիւնը, և իմանան ինչ ձևով փարել ու յառաջ տանել ըստ ծուխերի: Մայրերի միութիւնն Եկեղեցական ընկերութիւն է: Կրօնական ուղղութեամբ է հիմնուել և պաշտպանում այս երկրի եկեղեցական օրէնքը: Պրա կաղմակերպութիւնը ծխական ու թեմական է և պաշտօնական գործողները պէտք է Անգլիական Եկեղեցու անդամներ լինեն:

Որ և է ճիւղ, ինչպէս և լինի, կարող է ընդունել այլադաւան անդամներ, եթէ ծխատէր երէցն իր հաւանութիւնը տայ: Ընկերութեան հիմնարկու-

թեան օրից սկսած՝ խիստ կարեւորութիւն է ընծայուել Մկրտութեան ու Ս. Հաղորդութեան երկու մեծ Խորհուրդներին և ամեն ջանք գործ պիտի դրուի անդամներին օգնելու, որպէս զի ըմբռնեն շնորհի այս միջոցների անհրաժեշտութիւնն ու օգտակարութիւնը: Անդամակցութիւնը բաց է ամուսնացած կանանց՝—

ա). Որոնք մկրտուել են և իրենց երեխաներին բերում են Ս. մկրտութեան:

բ). Որոնք ընդունում են առաքելների հանգանակում պարունակած ուսուցումը:

գ). Որոնք հաւատարիմ են իրենց ամուսնական ուխտերին:

դ). Որոնք հաճ ու հաւան են երեք կենտրոնական նպատակներին:

Ծանօթ.—Ամուսնալուծութիւնը պէտք է արգելք համարել անդամակցութեան:

Ամուրի կանայք կարող են ընկերակիցներ լինել, որովհետեւ այդպիսին-

րից շատերն մօր վերաբերելի բաւական գործեր են կատարում թէ իրենց տներում և թէ կրթական տեսակէտով:

ՄԱՅՐԵՐԻ ՄԻՈՒԹԵԱՆ ՆՊԱՏԱԿՆԵՐԸ

Ընկերութեան կազմութիւնն այսքան համառօտակի պարզելուց յետոյ՝ այժմ դառնանք նրա անելիքի վրայ, որը լաւ բացատրւում է նրա երեք նպատակներով: Այս նպատակները նոյնն են եղել ընկերութեան հիմնարկութիւնից ի վեր, և երևում են անդամակցութեան ամեն բարտի վրայ:—

- 1.— Բարձր պահել ամուսնութեան սրբութիւնը:
- 2.— Արթնացնել ամեն դասակարգի մայրերի մէջ մեծ պատասխանատւութեան գիտակցութիւն, որ իբրեւ մայրեր՝ պիտի ունենան կրթելու իրենց տղաներին ու աղջիկներին, որոնք պետութեան ապագայ հայրերն ու մայրերն են լինելու:
- 3.— Կազմակերպել ամեն տեղ մայրերի

մի խումբ, որոնք պիտի միանան աղօթքով, և անձնական օրինակով ձգտեն իրենց ընտանիքներին առաջնորդել մաքրութեամբ ու սրբակցութեամբ:

Սրանք բովանդակում են միութեան իսկական նպատակը և ուղղութիւնը, և արտայայտում թէ ինչ պէտք է լինեն նրա անդամները և ինչ պիտի անեն: Գործը հասկանալու համար և գործադրելու մեր աներում և կեանքում, մենք պէտք է հասկանանք նրա նպատակները և իմանանք թէ ինչ ազդեցութիւն են գործելու բոլորիս վրայ: Փող այժմ մեր լուրջ ուշադրութիւնը դարձնենք նրանց վրայ և բնականաբար սկսենք առաջինով:

ԱՌԱՋԻՆ ՆՊԱՏԱԿԸ.— ՀԻՄՈՒՆՔԸ.

- 1.— Բարձր պահել ամուսնութեան սրբութիւնը.— Թերեւս մի քանիսը զարմանան թէ ինչու այս պէտք է լինի միութեան առաջին նպատակը: Նրբեմն

այս հարցը տրուել է, և երկու պատասխան կայ դրան:

ԱՌԱՋԻՆ ՊԱՏԱՍԽԱՆ.

Նախ՝ ինչպէս որ ամեն շինութեան մէջ հիմքը կենսական նշանակութիւն ունի, և եթէ լաւ և ամուր կերպով դրուած չէ՝ շէնքն անպէտք կը լինի, այնպէս և այս ընտանեկան կեանքի մէջ, որ մենք աշխատում ենք կառուցանել, մեր ջանքերն ապարդիւն կ'անցնեն եթէ ճշմարիտ, մաքուր, անքակտելի ամուսնութեան հիմքը չը կազմէ գործի բացարձակապէս անհրաժեշտ մասը: Այդ այն հիմքն է, որ Աստուած ինքն է դրել և սահմանել, որ ամեն ընտանեկան կեանք այդպիսով կազմակերպուի, և երբ մենք խօսում ենք ամուսնութեան սրբութեան մասին, ընդունում ենք իբրեւ աստուածադիր սահմանումն, որն երբէք չը պէտք է նուաստացուի Աստուծու որոշած բարձրութիւնից: Մեր Տէրն ինքն անձամբ

խօսեց այն խորհրդաւոր բառերը, որ մենք միշտ լսում ենք Պապի արարողութեան ժամանակ. «Զոր Աստուած զուգեաց, մարդ մի մեկնեացէ»: Այսպիսով Նա սահմանեց ամուսնական օրէնքի կանոնը, որը Նրա եկեղեցին միշտ էլ պահպանել է հաւատարմաբար: Այս բաւական պէտք է լինի մեզ համար: Մինչև անգամ հեթանոս ազգեր ևս մեզ ցոյց են տալիս թէ ինչպէս անհնարին է ունենալ ընտանեկան կամ ազգային կեանքի մաքրութիւն, եթէ ամուսնական կապի հետ որ և է ձևով թեթևութեամբ վերաբերուեն: Հռովմն իր գոյութիւնն աւելի երկար ու աւելի ուժեղ կերպով պահպանեց քան Յունաստանը, որովհետև հակառակ իր ունեցած լուրջ թերութիւններին՝ նրա ամուսնական կեանքի աստիճանն աւելի բարձր ու մաքուր էր: Երբ Հռովմայեցիք առաջին անգամ ծանօթացան մեր Տէտոն նախահայրերի հետ, նրանք ուշադրութեան առան այն կէտն, որ «այս

բարբարոս ժողովուրդը» հետևում է մի-
ախնութեան, և ամուսիններն իրենց ամ-
բողջ կեանքում՝ հաւատարմաբար են
ապրում իրար հետ: Սրանք մեր նա-
խահայրերն էին: Արդեօք նոյնը կարելի
է ասել նրանց այժմեան սերունդի
մասին:

ԵՐԿՐՈՐԴ ՊԱՏԱՍԽԱՆԸ

Այժմ անցնենք «ամուսնութեան սրբ-
ութիւնը» վեր պահելու երկրորդ պատ-
ճառին: Մենք Աստուծուց շնորհակալ
կարող ենք լինել, որ մեր շուրջը գտնուում
են բաւական մաքուր ու հաւատարիմ ա-
մուսնական կեանքեր, սակայն չը պէտ-
քէ ուրանալ, որ երբէք այնպիսի խոխ-
տումներ չեն եղել ամուսնական կապի,
ինչպէս որ բոլորս տեսնում և լսում
ենք: Մի ուղղութեամբ ջանքեր են գործ
դրում ձեռք բերելու «ամուսնալուծու-
թեան աւելի դիւրութիւններ», այնպէս
որ մարդիկ կարողանան մտնել ամուս-
նական լծի տակ և հնար եղածին չափ
դիւրութեամբ քակտել նրա կապը, և

որովհետեւ աշխարհում շատ տխուր և
ապերջանիկ ամուսնութիւններ են լի-
նում, բարեսիրտ մարդիկ պակաս չեն
գտնուում պաշտպան հանդիսանալու յի-
շեալ ջանքերին, անտես անելով այն
իրողութիւնը, որ նրանք մարդկանց,
կանանց ու երեխաների համար աւելի
չարիք կ'ստեղծեն քան բարիք: Բանա-
խօսները դատապարտում են ամուս-
նական կապը, համարելով բարբարոս և
անգութ: Բազմութիւն գրքեր ու թա-
տերադրութիւններ ծաղրի ու արհամար-
հանքի առարկայ են դարձնում դրան:
Ամուսնութեան օրէնքը խախտում է
զանազան ձևերով, բոլորը վերագրելի
ինքնազսպման ու ինքնակրթութեան
բացակայութեան, որ դժբախտաբար
ընդհանուր է ներկայ օրերս:

ԻՆՉՊԻՍ ԴԻՄԱԴՐԵԼ ԱՅՍ ՎՏԱՆՔՆԵՐԸ

Ի՞նչ ենք կարող մենք՝ Մայրերի
միութեան անդամներս՝ անել իրերի
այս թշուառ կացութեան հանդէպ:

Մենք շատ բան կարող ենք անել ան-
հատաբար, դեռ էլ աւելի՝ հաւաքաբար,
որովհետեւ այժմ մի մեծ խումբ ենք
կազմում, որը կարող է ուժեղ կերպով
ազդել հասարակական կարծիքի վրայ
և հետզհետէ բարձրացնելով աւելի տոն
տալ ամբողջ խնդրին: Մենք պիտի
դժկամակենք այն ծանօթներին ու խո-
սողներին, որոնց կարծիքն ամուսնու-
թեան մասին սխալ հասկացողութեան
հիման վրայ է, և պիտի խորշենք այն
գրքերից ու թատերադրութիւններից,
որոնց նպատակն է ամուսնական կեան-
քի անհաւատարմութիւնը զուարճալի
կամ հիացմունքի արժանի համարել:
Հէնց որ մեր տղաներն ու աղջիկները
հասակ առնեն՝ պիտի սովորեցնենք նը-
րանց ազնուաբար ու լրջօրէն մտածել
ամուսնութեան և նրա նշանակութեան
մասին, և հասկացնել թէ ինչեր կարող
են ծագել կամ չը ծագել իրենց ընտ-
րութիւնից: Այս բոլորից վեր բարձ-
րանում է բոլոր ծնողների վրայ ծան-

րացած այն մեծ պարտականութիւնը,
որ իրենց ծաղկահասակ երեխաներին,
ընտանեկան կեանքում, ցոյց տան թէ
ինչ կարող է ամուսնական կեանքը լի-
նել և պէտք է լինի: Ամեն փոքրիկ երե-
խայի գաղափարն ամուսնական կեան-
քի մասին բնականաբար այն է՝ ինչ
որ տեսնում է հօր ու մօր վերաբեր-
մամբ, և կանուխ ստացած տպաւորու-
թիւնը մնում է և կեանքի ուղղութիւն
գծում: Եթէ մեր երեխաների յիշողու-
թիւնը իրենց տան մասին այն լինի,
որ իրենց ծնողները համերաշխ էին
ապրում միմեանց առաջնորդելով ու
խրախուսելով կեանքի բոլոր ուրախու-
թիւնների և տխրութիւնների միջո-
ցում, հաւատարմաբար ծառայում Աս-
տուծուն և իրենց երեխաներին ևս
դաստիարակութեամբ ու կենդանի օրի-
նակով ղեկավարում զէպի Նա, այն
ժամանակ նրանց ամբողջ կեանքի ըն-
թացքում ամուսնութեան մասին կազ-
մած գաղափարատիպը (իդէալը) բարձր

կը լինի, և դժուարութիւն չեն ունենալ հասկանալու թէ ինչ է նշանակում «ամուսնութեան սրբութիւնը»:

Այստեղ յարմար առիթ չէ շօշափելու այն մեծ չարիքները կապուած ամուսնական կեանքի հետ, որ այժմեան համարձակախօսութիւնը մեզ իրազեկ է կացուցանում, բայց իսկապէս նրանք երևան են բերում բարոյական ու հոգեկան վերին աստիճանի ապականութիւն, որի դէմ քրիստոնեայ մարդիկ ու կանայք պիտի մաքառեն իրենց ազգեցութեան բոլոր ուժերով, թէ տներում և թէ դրսերում: Մինչև անգամ բացի այս մեծ ու սոսկալի խնդիրներից՝ մենք բոլորս տեղեակ պիտի լինենք այն թեթեւ, լկտի վերաբերմունքին, որ ունեն դէպի ամուսնութիւնը, և գիտակ՝ նրա վսեմ կողմերի հանդէպ ցոյց տուած անտարբերութեանը, որն անհետացնում է ամուսնական կապի սրբութեան մասին կազմած դադափարը: Մայրերի միութիւնը

կոչ է անում իր անդամներին անսասան մնալ Ս. Պատկի մասին ծագաբոլոր այս չար ու թիւր գաղափարների դէմ, և մենք աղօթում ենք, որ Աստուած շնորհ պարգևէ մեր Պետութեան պմեն մի ամուսնացած մարդու և կնոջ՝ հասկանալու և բարձր պահելու «ամուսնական սրբութիւնը»:

ԵՐԿՐՈՐԴ ԵՊԱՏԱԿ, ՊԱՏԱՍԽԱՆԱՏԻՈՒԹԻՒՆ

Մեր երկրորդ նպատակը թէև մասամբ հեշտ է երևում, սակայն ինչքան շատ նշանակութիւն ունի: Արթնացնել ամէն դասակարգի մայրերի մէջ մեծ պատասխանատուութեան գիտակցութիւն, որ իբրև մայրեր պիտի ունենան կրթելու իրենց տղաներին ու աղջիկներին, որոնք պետութեան ապագայ հայրերն ու մայրերն են լինելու:

Երեխաների դաստիարակութիւնը, մանկական հասակում տաժաժ ամենօրեայ արթուն խնամքը, չափահաս ժամանակներում ցոյց տուած իմաս-

տութիւնն ու վարուելակերպը, ինքնագոյութիւնն, հեռատեսութիւնն ու շրջահայեցողութիւնը, որոնք անհրաժեշտ են մեր ընտանեկան կեանքում.— այս բոլորը մասնու մասն են «մեծ պատասխանատուութիւն» կոչուած կարգի մէջ, և մասն կազմում այն գործի, որ բոլոր ծնողները, յատկապէս մայրերը, կոչուած են յանձն առնելու, երբ երեխաները մուտ են գործում ընտանիքի մէջ, որ առանց նրանց այնքան դատարկ պիտի լինէր:

Այս կրթութիւնը հետեանք է ընտանեկան ամբողջ կեանքի ազդեցութեանն՝ ընտանիքում կրթող երեխաների վրայ, և հետեալաբար մեզանից կախումն ունի: Աստուծուց մեզ շնորհած մի հրաշալի գործ է, որ կազմակերպում է նկարագիրը (բնաւորութիւնն): «Գործ ցանիր և սովորութիւն հնձիր, սովորութիւն ցանիր և նկարագիր հնձիր»: Այս պիտի լինի ամէն մօր նշանաբանը, որովհետեւ ամենօրեայ

սովորութիւնները ձևակերպում են փոքրերի նկարագիրը թէ լաւ և թէ վատ, որը տեղում է մինչև կեանքի վերջը: Երեխաների մէջ լաւ սովորութիւնների համբերատար ու յարատեւ ձևակերպումով է, որ մայրերը նրանց դարձնում են— համաձայն մեր մկրտութեան արարողութեան մէջ գործածուած բառերի՝ «Քրիստոսի հաւատարիմ զինւորներն ու ծառաները մինչև կեանքի վախճանը»: Այս նպատակով անդամակցութեան Քարտը բոլորիս համար մեծ արժէք պիտի ունենայ, որովհետեւ նրա պարունակող կանոնները կամ լաւ ևս՝ խրատները ցոյց են տալիս այն ուղղութիւնը, որով երեխան պիտի կրթուի, և ներշնչում են օգտակար թելադրութիւններ:

ԱՆԴԱՄԱՍԿՈՒԹԵԱՆ ԳԱՐՏԸ.

Սրանք են Մայրերի Միութեան առաջագրած ուղղութիւնը, ինչպէս որ ծրագրուած է մեր Քարտերի վրայ,

և լուսաբանում նպատակները: Նախ
դրուած են երկու լուրջ յիշեցուցիչներ,
թէ կնութիւնն ու մայրութիւնը ինչ
խոստում են պահանջում մեզանից մեր
կացութեան ու անելիքի մասին:

ա). Ես ցանկանում եմ խոստովանել,
որ իմ ամուսնական ուխտով ես
խոստացել եմ սիրել, օգնել և
հաւատարիմ մնալ իմ ամուսնուս
մինչև կեանքի վախճանը:

բ). Ես ցանկանում եմ վերջիշել, որ
իմ երեխաները Ս. Մկրտութեամբ՝
մեր Տէր Յիսուս Քրիստոսի ան-
դամներն են դարձել և մարմնով ու
հոգեով նուիրուած Նրա ծառայու-
թեանը, և իմ պարտականութիւնն է
նրանց այնպէս կրթել, որ շարու-
նակեն Նրա հաւատարիմ գինւոր-
ներն ու ծառաները լինել մինչև
կեանքի վերջը:

Յետ այնու հետևում են եօթը
թելադրութիւններ յուղղութիւն մեր
երեխաների դաստիարակութեան, և

ապա՝ մեր աղօթքը:

Ես ցանկանում եմ Աստուծու օգ-
նութեամբ:

1.— Պաշտպանել իմ տունը, կարողու-
թիւնս ներածին չափ՝ անհաւա-
տարմութեան, անմաքրութեան, ան
ժուժկալութեան, գրազ գալու և
խաղամոլութեան վտանգներից:

2.— Սովորեցնել իմ երեխաներին ամեն
օր աղօթք անել, կարդալ Ս. գիրքը
նրանց հետ, յատկապէս չորս Աւե-
տարանները, և նրանց կրթել մեր
քրիստոնէական Սուրբ հաւատի մէջ:

3.— Աւաջնորդել նրանց Աստուծու օրը
սուրբ պահելու, և կանոնաւորապէս
Նրան երկրպագելու Նրա աղօթա-
տան մէջ:

4.— Կրթել իմ երեխաներին հնազանդ,
ճշմարտախօս, ողջախոհ, ինքնազսպ-
ուած ու աշխատասէր լինել, և
գործով ու խօսքով նրանց լաւ օրի-
նակ հանդիսանալ:

(953-2000) (67-97) 157-2012



ԱՅՏԱՅԻՆ
ԳՐԱԴԱՐԱՆ

5.— Պահպանել նրանց վատ ու կասկածելի ընկերներից, ազդեցութիւններից ու զուարճութիւններից և չը խրախուսել չարախօսութիւն ու շաղակրատութիւն (բամբասանք) իմ տանը:

6.— Բժականդիր լինել իմ սնում երեւցած ու կարգացած զրբերի, պարբերական հանդէսների և թերթերի մասին:

7.— Ներշնչել յարգանքի ոգի, խրատով ու օրինակով:

Տայ Աստուած որ ես այնպէս 'ի գործ դնեմ շնորհի միջոցները, որ մեր Տէր Յիսուս Քրիստոսի հետ միանալով ու հաղորդակից լինելով 'ի վիճակի լինեմ իմ պարտականութիւնը կատարելու իբրև հաւատարիմ կին, և իմաստուն ու խանդակաթ մայր:

ԱՆԴԱՄՆԵՐԻ ԱՂՕԹԻԸ

Ո՛վ Տէր, լցրո՛ւր ինձ Քո Սուրբ Հոգւովը, որ ես ամբապէս հաւատամ Յի-

սուս Քրիստոսին, և Նրան սիրեմ 'ի բոլոր սրտէ: Իմ հոգին լուսն Նրա Պատուական Արիւնով: Այնպէս արա՛, որ ես մեղքն ատեմ, և սուրբ լինեմ մաքով, խօսքով ու գործով: Օգնիր ինձ հաւատարիմ կին և խանդակաթ մայր լինելու: Օրհնիր ինձ և Մայրերի Միութեան պատկանող անդամներին. միացրո՛ւր մեզ սիրոյ ու աղօթքի մէջ և մեզ սովորեցրո՛ւր մեր երեխաներին երկնքի համար կրթելու: Ս. Հոգին թափիր իմ ամուսնու և երեխաների վրայ: Մեր տունը խաղաղութեան ու սիրոյ բնակարան դարձրո՛ւր, և թող մենք աշխարհումս այնպէս կեանք վարենք, որ Քեզ հետ ապրենք ընդ միշտ երկնքում 'ի սէր Յիսուսի: Ամէն:

Շատ տարիներ առաջ, մի երիտասարդ մայր, երբ այս կանոնները բարձրաձայն կարդացում են նրա համար նախ քան նրա անդամագրուելը Միութեան, խոր հոգւոց հանելուց յետոյ՝ ասաց. «Երանելի օր կը լինի երեխա-

ների համար եթէ բոլորն էլ այդ ուղ-
ղութեամբ կրթուեն: Իրաւ որ բոլոր
խելացի մարդիկ ու կանայք պիտի ար-
ձագանքեն նրա խօսքերը, և ամեն մի
մայր, որ աշխատում է իր երեխաներին
այդ ձևով կրթել, նպաստում է գլուխ
բերելու այդ «երանելի օրը»: Ընդհանուր
առմամբ, մենք կարող ենք տեսնել, որ
սկզբունքն է սովորութիւնների կազմա-
կերպումով նկարագիր կազմել, և, իրօք,
այդ սովորութիւնների վրայ է հիմնը-
ուած բոլոր նկարագիրը: Քարտը մատ-
նանիշ է անում լաւ սովորութիւնները,
և վատերից զգուշացնում: Բոլոր դաս-
տիարակութիւնն այս երկուսի մէջ է
կայանում — լաւ սովորութիւնների կազ-
մութիւնը, խուսափումը վատերից: Աւ
որովհետեւ այս սովորութիւններն սկրզ-
բում փոքր բաներ են երևում, մենք
միշտ չենք ըմբռնում թէ ինչ պատա-
հականութիւններ կան կապուած նրանց
հետ: Օրինակի համար, հնազանդութիւ-
նը, առաջին սովորութիւնն որ մի երեխայ

կարող է կազմել՝ պիտի սովորեցուի, ոչ
միայն նրա համար որ անհնազանդ ե-
րեխան փորձանք է անում, այլ որով-
հետեւ ինքնազսպման սովորութեան քս-
կիզբն է, առանց որի մարդը կամ կինն
անպէտք է, և որովհետեւ միայն երկ-
րաւոր ծնողին հնազանդուել սովորելուց
կարող է երեխան հասկանալ Նրկնաւոր
Հօրը հնազանդելուց առաջացած ուրա-
խութիւնն ու երանութիւնը: Ճշմարտա-
խօսութիւնը նորից ոչ միայն խափա-
նում է իսկական ստախօսութեան հը-
նարաւորութիւնը, այլ նաեւ առաջն է
առնում չափազանց առասպելաբանու-
թեան, որին շատ տղաներ ենթա-
կայ են: Նրեխայի վերաբերմամբ յա-
ճախ այդ անվնաս է երևում, սակայն
հեշտութեամբ կարող է մտածելու և
խօսելու չափազանցութեան մէջ այն-
պիսի չափեր ստանալ, որ ժամանակով
մարդիկ իսկապէս դժուարութիւն կ'ըզ-
գան որոշելու ճշմարտութիւնը ստա-
խօսութիւնից, և դրանից կ'առաջանայ

ահագին փաստ թէ անհատական և թէ հանրային կեանքում: Մաքրութիւն— աւելորդ է մատնանշել, որ մի մասնաղ երեխայի մաքրութիւնը, այսինքն՝ չաքրութեան անգիտութիւնը՝ երկար չէ կարող տեւել, և անհրաժեշտ է աստիճանաբար ու փորովանօք դրան փոխարինել այնպիսի սովորութիւններով, որ համբերութիւնն ու պարկեշտութիւնը դարձնեն երկրորդ բնութիւն, և զգուանք ներշնչել դրանց հակառակ յատկութիւնների դէմ: Այս ձևով ապագայ տարիների անհրաժեշտ կրթութեան ճանապարհը հարթւում է, և մտքի, սրտի ու խօսքի մաքրութիւնը անիրագործելի երազ չէ դառնում չափահաս մարդկանց ու կանանց համար:

ԿՐՕՆԻ ՈՒՍՈՒՑՈՒՄՆ

Նկարագրի այս երեք մեծ հիմնաքարերը՝ Հնազանդութիւնը, Ճշմարտախօսութիւնը, Մաքրութիւնը՝ կարող են դրուել մանկական տարիներում:

Յիրաւի, եթէ այն ժամանակ չը դրուեն, ապա հագիւ թէ յաջողութեամբ տարիներում: Որպէս զի իրական արժէք ունենան, սկզբից ևեթ նրանց պիտի զուգորդուին կրօնի ուսուցումն ու դաստիարակութիւնը, որոնք մօր ամենաբարձր պարտականութիւնն ու առանձնաշնորհումն են համարւում, սակայն, աւանդ, յաճախ բարձր թողի են արւում կամ յանձնւում ուրիշներին: Եթէ կրօնը դեր պիտի ունենայ մեր երեխաների կեանքի ոչ միայն արտաքին մասը շօշափելու այլ և նրանց ամբողջ նկարագիրը, ոյժն ու նեցուկը ամեն պարագաներում, նաև հանդիսանալու լինի իբրև կեանքի ղեկավարող սկզբունք և դառնայ նրանց յոյսն ու մխիթարութիւնը՝ մահուան ժամանակ, ուրեմն նոյն այդ կրօնը սկզբից այնպէս ձուլուած պիտի լինի նրանց գիտակցութեան հետ, որ բնաւ չը մտաբերեն թէ առաջին անգամ երբ են արդեօք իւրացրել այդ: Այսպիսի ուսուց-

ման սկզբնական շրջանը բաւական հեշտ է: Ամեն մի մայր, որ նեղութիւն բաշէ, կարող է իր փոքրիկ երեխային սովորեցնել կանոնաւոր աղօթքի սովորութիւնը, նախ՝ նրան մի բանի գիւրասականալի բառեր և ապա աստիճանաբար լիակատար ձևը, որ հիմք ծառայէ ապագայի, որին կարելի է կցել առանձին հայցուած կամ գոհաբանութիւն: Ամեն մի մայր իր փոքրիկ երեխային կարող է Աստուածաշնչի պատմութեան վերաբերելի պատկերներ ցոյց տալ, և բացատրել երեխայի հասկացողութեան համեմատ: Ամեն մի մայր իր երեխային կարող է պատմել Յիսուսի կեանքից, և այս պարզ ձևերով դրոււմ է կրօնի ուսուցման հիմքը: Այն մայրն որ այսպէս է սկսում, շուտով տեսնում է, որ իր գործն ակնկալածից շատ աւելի հեշտ է ընթանում: Նա սովորում է իր երեխային ճանաչել ու հասկանալ աւելի լաւ քան որ և է ուրիշ ձևով, և կը-

րօնական խնդիրներում տաճած վատահոլութեան ու համակրութեան սկիզբն է դնում, որ անգին արժէք ունի թէ իրեն և թէ երեխայի համար:

Այս ամենը մատաղ հասակի համար է—գոյնարութիւնները շատանում են երեխայի մեծանալուն հետ, թէև ոչ այնպէս որ անյաղթելի լինեն: Աւելորդ է յիշել այստեղ, որ Մայրերի Միութիւնն այժմ 'ի վիճակի է մօր այս աշխատանքին վերաբերեալ մեծագին օգնութիւն ցոյց տալ, թէ գրքերով և թէ խորհուրդներով: Ռիմուսը պէտք է լինի կրօնական դաստիարակութեան Անտրոնական ձիւղի կենտրոնական թղթակցին, և օգնութիւնն ուրախութեամբ ու յօժարութեամբ կը տրուի: Ինչ որ խկապէս անհրաժեշտ է մօր համար հասկանալու, այդ այն է՝ որ կրօնի ուսուցումը պահանջում է միաբեր նաև սիրտը, և նա պատրաստ պիտի լինի իր մասւոր կարողութեան բաւգոյն մասը նուիրել այդ բանին, երբ իր

երեխաները մեծանան և կարիք զգան աւելի բարձր ուսման: Ամբողջ դպրոցական կեանքի ընթացքում, կանոնաւոր կրօնական ուսուցումն կարելի է շարունակել Կիւրակի օրերն ու արձակուրդներին, և հնարաւորութեան դէպքում, աւելի կարեւոր է այդ ժամանակը բան մանկական հասակում: Որովհետեւ այդ միջոցին է, որ երկբայութեան, անտարբերութեան և անհաւատութեան մեծ ծովի կոհակները միշտ մեր շուրջը ծփալով՝ սկսում են զարնել մեր որդիների ու աղջիկների կեանքերի դէմ: Մենք այս չենք կարող արգելել, բայց մենք կարող ենք, Աստուծու Սուրբ Հոգու շնորհիւ՝ նրանց կանգնեցնել այնպիսի մի ժայռի վրայ, որից օղիքները չը կարողանան քշել տանել: Այս անելու համար, մեր իսկ հիմքը շատ ամուր պիտի լինի, ուստի ամեն մայր պէտք է իրեն վարժեցնի ուսումնասիրութեան, խորհրդածութեան ու աղօթքի սովորութիւններին, այնպէս

որ նախ ինքը սովորի այն, ինչ որ ցանկանում է երեխաներն իմանան:

ԸՆՏԱՆԵԿԱՆ ԱԶԴԵՑՈՒԹԵԱՆ ՈՅԺԸ.

Եւ երբ որդիներն ու աղջիկներն սկսում են մեծանալ, մօր գործի մեծութիւնն և նրա խորունկ ազդեցութիւնը աւելի ևս պարզւում են նրա առաջ: Երբ մենք ըմբռնենք թէ մեր ուսուցումն ու ազդեցութիւնն ինչպէս են ներգործում մեր երեխաների կեանքի՝ և ոչ միայն նրանց ու նրանց սերունդի վրայ, որոնց շատերը կը ծնունեն մեզանից յետոյ, այլ և իրենց շրջապատի վրայ, մեր պատասխանատւութեան դիտակցութիւնը բացարձակապէս դառնում է սոսկալի: Հէնց որ մեր երեխաներն սկսում են խաղալ ուրիշ երեխաների հետ, նրանց ընտանեկան կեանքի մթնոլորտն իր ազդեցութիւնը թողնում է. երբ հասակ են առնում՝ նրանց խօսքերն ու գործերը աւելի ևս ներգործութիւն են ցոյց տալիս դպրո-

ցական ընկերների ու բարեկամների վրայ, և մեզանից ոչ մէկն անգիտակ չէ թէ ինչ աստիճան երիտասարդ մարդիկ ու կանայք իրար կարող են ազդել, թէ լաւ և թէ վատ, իրենց կեանքի ընթացքում: Ինչքան յաճախ դիտուում է, որ մի երիտասարդ տղամարդ կամ կին—թերևս յատկապէս տղամարդ—որը փաստակար Գծեր չունենալով՝ կարող կը լինէր հեշտութեամբ կեանքի մէջ ուղիղ ճանապարհով ընթանալ, սակայն սխալ ուղղութեան հետեւող ընկերների մէջ ընկնելով՝ մոլորւում է, քանի որ ընտանեկան կրթութեան բացակայութեան պատճառով, ոյժ չէ ունեցել իրեն յետ պահելու մոլոր ճանապարհից: Այսպէս՝ հետեւանքն է եղել խորտակուած կեանք ու սրտաբեկ ծնողներ:

Ամենից վեր, ուշադրութիւն դարձնենք, որ մեր ընտանեկան կրթութիւնն ուժեղ լինի, և այս նոյնքան լիովին վերաբերում է կրօնի ուսուցման,

որքան ուրիշ բաների: Յուշ ածենք, որ մեր երեխաները կը հանդիպեն դժուարութիւնների ու փորձութիւնների, որոնք տարբերուում են մեր տեսածներից որովհետեւ իւրաքանչիւր սերունդ տարբեր ձևով է մտածում և գործում քան նախորդը: Կռիւր յախտնական է, բայց մղւում է փոփոխուած ուղղութիւններով: Ինչպէս որ այսօրուայ անգլիացի զինուորը շատ տարբեր զինւորական արուեստ է սովորում հարիւր տարի առաջ սովորածից, այնպէս և Քրիստոսի այժմեան զինուորը պէտք է սովորի ինչպէս պաշտպանել իր կրօնական Հաւատը յարձակման առանձին ձևերի դէմ, որոնք գործում են ներկայ օրերս, և այս պաշտպանութեան արուեստը կարելի է ամենաապահով ու մնայուն կերպով սովորեցնել տնում: Այն մայրն որ ժամանակ կը նուիրէ կամ կ'ստեղծէ իր երեխաներին կրօնական հաւատի և յոյսի հիմքերի վրայ կանոնաւոր ու յարատեւ կրթութիւն տալ,

կարող է, այս օրերում իր գործի համար ահագին օգնութիւն ու ղեկավարութիւն ստանալ՝ գրքերով ամէն ժամանակ, իսկ դասախօսութիւններով երբ հնարաւոր լինի: Վերելք յիշողութիւն եղաւ առանձին մի ձեւի մասին, որով այս օգնութիւնը կարող կը լինին ստանալ, և սրան կարելի է աւելացնել, որ եթէ այս փառաւոր գործը ստանձնի իր իրեխաների համար, միայն ներանք չեն լինել օգտւողները: Մայրն իր իսկ հաւատն և յոյսն ուժեղացած կը տեսնէ ամէն ժամում, երբ զբաղուի այս վեհ գործով, և «ուրիշներին ուղղելով ինքն ևս կ'ողոզուի»:

Ար գտնուին մի քանիսը, որ ժամանակ չեն ունենալ որոշ ուսումնասիրութեամբ զբաղուելու, բայց այնուամենայնիւ նրանք կարող են մասնակցել երեխայի կրթութեան այս մեծ գործին: Մօր անձնական ազդեցութիւնն և անցուցամով գիտակցութիւնն որ նա հոգ է տանում Աստուծու բաների մասին՝

աւելի տպաւորիչ կը լինեն քան իր ասածները, և թող մտաբերէ, որ ամենից մեծագոյն ծառայութիւնն այն է, որ աղօթէ իր խնամքին յանձնուած փոքրերի համար:

ՈՒՍՈՒՄՆԱՍԻՐՈՒԹԵԱՆ ԿԱՐԻՔԸ.

Եթէ Ս. Գրքի մասին մեր ունեցած գիտութեան չափովը գոհ լինենք՝ վրտանդ կ'սպասուի: Մենք պէտք է ժամանակակից լինենք թարմ լոյսին ու գիտութեան, որ իւրաքանչիւր տարին երեւան է հանում և սփռում մեր ոտների առաջ: «Մինչդեռ գրածից մեզ վեր ու իմաստուն չենք համարում, գոնէ ամենայն փութաջանութեամբ պէտք է աշխատենք այնքան իմաստուն լինել, որ գրածը հասկանանք»: Այս պիտի լինի ամեն կրթուած բրիստոնեայ մօր նշանաբանը, որովհետեւ այս ձեով կարող կը լինի իր Հաւատը պահպանել խաւարամտութիւնից ու անշարժութիւնից, և իրեն պաշտպանել օրուայ

կրօնական այլանդակ մտածութիւններից, և բացի այդ՝ հզօր ոյժ կը հանդիսանայ երեխաների համար, երբ այդ այլանդակութիւնները կ'սկսեն նեղել նրանց:

Ինչ որ ասուել է անդամակցութեան Քարտի վրայ իբրև նախազգուշութիւն վատ ընկերութեան մէջ խառնուելու սովորութիւններից, նաև վատ ընկերներից, վատ զուարճութիւններից, կամ վատ ընթերցանութիւնից՝ մասնում է կրօնի ուսուցման վերնագրի տակ: Քանի որ յիշեալ բաները մարդկանց ու կանանց հեռացնում են մեր Տիրոջից, և Նրա ուսուցումն արհամարհում, հետեալաբար պարտաւոր ենք թէ ինքներս խորշենք նրանցից և թէ մեր երեխաներին սովորեցնենք խորշելու: Միայն պիտի զգուշանանք, որ մեր ուսուցումն այս կէտում ևս ուժեղ լինի, որ թոյլ պատճառաբանութիւններով (փաստերով) կամ թիւր ուսուցումով չը դիմադրենք այս չարիքի դէմ, հակառակ

պարագայում, օր կը գայ երբ մեր պատճառաբանութիւններն և ուսուցումն կ'ոչնչանան, և մեր երիտասարդ զինւորը թշնամու դէմ անպաշտպան կը թողնուի: Արդեօք աւելի անգութ բան կարելի է երեւակայել, երբ մեզ հաւատացող ու ապաւինող երեխային այնպէս զէնքեր մատակարարենք, որ իրենց ձեռքերը փնտսեն երբ միամտութեամբ աշխատելիս լինեն գործածելու: Սակայն այդ յաճախ է արւում «մտածութեան պակասութիւնից» և ոչ թէ սրտի պակասութիւնից»:

ԵՐՐՈՐԴ ԵՊԱՏԱԿԸ.—ԱՆՀՐԱԺԵՇՏ ՈՅԺԸ.

Երրորդ Նալատակ—«Կազմակերպել ամեն տեղ մայրերի մի խումբ, որոնք պիտի միանան Աղօթքով, և անձնական օրինակով ձգտեն իրենց ընտանիքներին առաջնորդել մաքրութեամբ ու սրբակեցութեամբ»:

Մեր այս երրորդ և վերջին նպատակը բացատրելիս՝ մենք այսպէս ա-

սած, մեզ յանձնուած մեծ գործի մը-
տախտհութիւնից դառնում ենք դէպի
այն լռիկ ու գաղտնի ոյժերն, որոնք
գործի հիմն են կազմում, և որոնցով
միայն գործը յաջողութեամբ առաջ կը
տարուի—դրանք են՝ Կազմակերպու-
թիւն, Ազօթք և Օրինակ:

ԿԱԶՄԱԿԵՐՊՈՒԹԻՒՆԸ

Առաջինի մասին այնքան անհրա-
ժեշտ չէ խօսել, որովհետեւ առածի
շարքն է անցել, որ «Միութիւնն ոյժ
է», և պէտք է բոլորս տեսնենք, որ մեր
առաջադրած նպատակի համար կարիք
ունենք ամեն հնարաւոր ոյժի: Միու-
թեան կազմակերպութիւնը դիտմամբ,
հնար եղածին չափ պարզ է կազմուած,
մինչդեռ նրա թիւն այնքան մեծ է:
Ամենքս գիտենք, որ ընդունելութիւնն
Ընկերութեան մէջ դժուարութեանց հետ
կապուած չէ, և ճիւղերի համար կարգա-
դրուած ժողովներն ու եկեղեցական
պաշտամունքներն օգտակար են ու գնա-

հատելի: Առ այժմ կազմակերպութեան
հարցից—թէ և անհրաժեշտ—կարող ենք
դառնալ Ազօթքի թաքուն զօրութեան
և Օրինակի լռիկ ոյժի վերայ, առանց
որոնց Մայրերի Միութեան նպատակ-
ները չեն գործադրուել և Ընկերու-
թիւնն ոչ մի արժէք չէ ունենալ որ և
է մէկի համար: Մայրերի Միութեան
աճումն ուղղակի զարմանալի է, յատկա-
պէս երբ նկատի առնուի, որ նրան ան-
դամակցելու համար՝ դրդում չը կայ,
միայն թէ երբ մէկն իսկապէս հոգ է ա-
նում իր անելիք գործի համար: Ո՛չ որ
նրան անդամակցելով աշխարհային օ-
գուտ ձեռք չէ բերում, սակայն, չ'նայե-
լով սրան, դրա թիւն օրէցօր աճում է,
և մի փոքրիկ տեղում ապրող Մայրերի
մի խմբակի փոխարէն՝ այսօր դարձել է
ամեն աստիճանի և հասակի պատկա-
նող կանանց մի ահագին մարմին, թէ
Մեծն Անգլիայի և Իրլանդիայի մէջ և
թէ արտասահմանում, գտնուելով շա-
տերն որոնք չեն խօսում կամ հասկա-

նում մեր լեզուն. քրիստոնեայ դարձած
հեթանոս մայրեր, որոնք խնդագին ընդ-
գրկել են, որպէս զի Միութիւնը նպաս-
տէ՝ իրենց զաւակներին քրիստոնէական
կրօնի մէջ մեծացնելու: Սրանցից
շատերը կան Հնդկաստանում, Աֆրի-
կայում և Մադագասկարում:

ՄԻՍՏԵԱՆԱԿԱՆ ԱՂՈԹՔԸ

Սրա բացատրութիւնն ինչ է: Լոկ
այն, որ հէնց սկզբից Աղօթքը միշտ
առաջ է դրուել, իբրեւ գործի բացար-
ձակապէս կենսական մասը: Միացեալ
աղօթքի մէջ է այդ գործը արմատ ձը-
գել ու հիմք դրել, և ամեն ակնկալու-
թիւններից ու երազներից վեր՝ այդ Ա-
ղօթքը լսելի է եղել: Բայց միտ բե-
րենք, որ չը պէտք է թոյլ տանք, որ
միացեալ Աղօթքի այս ոսկէ շղթան,
որ շաղկապում է աշխարհի ամեն կող-
մում գտնուող Մայրերի Միութեան ան-
դամներին՝ խզուի կամ մինչև անգամ
թուլանայ: Ամեն մի անդամ պարտակա-

նութիւն ունի տեսնելու, որ իր առան-
ձին օղակն անվնաս ու անվթար մնայ,
որովհետև եթէ մի օղակը խզուի, ամ-
բողջ շղթան կը տուժէ: Մեր առան-
ձին Աղօթքի բառերը գործածելիս՝ թող
օրական մի րոպէ կանգ առնենք յիշե-
լու հազարաւոր Մայրերին, որոնց ե-
րեսները չենք տեսնելու այս աշխար-
հում, սակայն ամեն օր աղօթում են
մեր և մեր ընտանիքների համար, և
նրանց աղօթքները միացած են մերի-
ների հետ Աստուծու զահի առաջ: Ե-
թէ այս բանն անենք, Աղօթքն եր-
բէք չէ՞ դառնալ լոկ ձեւական, անփոյթ
ձևով ու մերենայօրէն արտասանուած,
այլ կը դառնայ կենդանի ու իրական,
մեր ամենօրեայ կեանքի ջուրը գինի
դարձնելով, և մեզ մշտապէս ներշնչ-
ելով ոյժ ու կորով, որոնց պէտքն ու-
նենք մեր մեծ գործի համար:

ՕՐԻՆԱԿԻ ԱԶԴԵՑՈՒԹԻՒՆԸ

Այո, մեր ամբողջ գործի ամենամեծ

ու ամենադժուար մասն ամփոփուած է մեր վերջին Նպատակի վերջին բառերում. «անճնական օրինակով, իրենց ընտանիքներին առաջնորդել մարբութեամբ ու սրբակեցութեամբ», որին կարելի է կցել Մայրերի այս նշանաբանը, որ այժմ երևում է Քարտի վրայ. «Ինքներդ եղէք այն, ինչ որ ցանկանում էք, որ ձեր երեխաները լինեն»: Այս բառերը բովանդակում են այն մեծ ճշմարտութիւնը, որ օրինակն աւելի ազդու է քան խրատը, որ անօգուտ խօսք է ասել, որ մեր զաւակներին առաջնորդում ենք դէպի Աստուած, եթէ մենք նրանց հետ միասին չը մօտենանք նրան, և որ ամենալաւ կարգերն ու ծրագիրները վերջ 'ի վերջոյ անյաջողութեան կը հանդիպեն, եթէ երեխաները հետզհետէ հասակ առնելիս՝ չը տեսնեն, որ իրենց Մայրը հաւատում ու գործադրում է այն, ինչ որ սովորեցրեց նրանց հաւատալ ու գործադրել: Մենք անպատճառ օրինակ

պիտի հանդիսանանք մեր երեխաներին, որոնք իրենց բնութեան մեծ մասը մեզանից են ժառանգում, և անբնական չէ, որ մեր օրինակին են հետևում: Բոլորս կարող ենք տեսնել, որ նրանց կրթելու համար ինչքան ոյժ է հարկաւոր: Արդեօք միշտ էլ ըմբռնում ենք, ինչ պատասխանատուութիւն կայ մեզ վրայ: Սակայն պատասխանատուութեան հետ մեծ բարիք կայ կապուած, որովհետև երեխաներին կրթելիս՝ Աստուած մեզ էլ կրթում է, և աստիճանաբար առաջնորդում դէպի այնպիսի բարձրութիւններ, որոնց չէինք հասնել որ և է ուրիշ ձևով: Մենք մեր զաւակներին տաժաժ սիրովը, սովորում ենք նրան սիրել, և երբ օրեցօր համբերութեամբ ու աղօթքով ստանձնում ենք Մայրութեան պարտականութիւնը, կամաց կամաց նշմարում ենք, որ մեր իսկ հոգևոր կեանքը բացւում ու զարգանում է, որ մեր աղօթքներն աւելի իրական են, մեր զղջումն աւելի անկեղծ, Ս. Հաղոր-

դուժիւնն աւելի ներշնչիչ: Մենք սովորում ենք, որ Աստուած մեզ իր մօտ է առաջնորդել մեր Մայրութեան միջոցով, և օրհնում Նրան մեզ արած բարութեան համար:

Վ Ե Ր Զ Ա Ր Ա Ն

Այս մտածութեամբ, որն անշուշտ ծգտակար ու սրտապնդիչ է՝ գրքոյկս վերջաւորութեան կարելի է բերել: Ովքեր որ բաջ ըմբռնել են Մայրերի Միութեան բուն նպատակը, և լրջօրէն ու բարեպաշտութեամբ կը խորհրդածեն վերեւում շօշափած կէտերի մասին, նրա մէջ մի յարմար առիթ կը գտնեն, տնային ու ընտանեկան կեանքում, մի մեծ գործ կատարելու Աստուծու, Պետութեան, իրենց հարազատ զաւակների և աշխարհում գտնւող կանանց համար: Ինչ բան որ ընտանեկան կեանքը բարձրացնում է իր խակական բարձրութեան, բարձրացնում է նաև ընտանեկան կեանքում դեր խաղացողներին, և Միութեան գործը թէ՛ ապա-

գայ սերունդի համար է և թէ՛ այժմեան: Կասկածի տեղիք չը պիտի տանք, որ այսպիսի մի գործ անհրաժեշտ է, քանի որ մեզ շրջապատող չարութիւնները փնաս և մինչև անգամ աւեր են սպառնում մեր ընտանեկան կեանքին: Աշխարհի տուն շինողներից խնդրում է, որ յառաջ գան և ձեռք-ձեռքի տրուած՝ Աստուծու գործը կատարեն, մեր Պետութեան տները լաւ և ամուր կառուցանելով: Հին շինողների նման, պէտք է գործենք մէկ ձեռքում գործիք ունենալով, իսկ միւսում՝ զէնք: Ամեն իմաստուն կին իր սեպհական տունն է շինում, և ստուգիւ մենք կարիք ունենք այն ամեն իմաստութեան, որ միացեալ Աղօթքն ու ջանքը կը տան, որպէս զի այնպէս շինենք, որ ոչ անձրև, քամի կամ հեղեղ չը տապալեն և կործանեն ընտանեկան կեանքը, որը բոլոր ազդեցութիւններից ամենալաւ, ամենամաքուր և ամենաուժեղն է օրօրոցից մինչև գերեզման:







200

ՀՀ Ազգային գրադարան



NL0030837

